

Tiako

1 1 Txai²li² Ti³a²kah³lo²sa¹wa². Txa²wā¹sū³na² a²wa³kxē³no³ti² Je³su²
Kris²tu³jah¹lo²su² Txa²wā¹hxi²kan¹ta² Si³yxau³jah¹lo²su² ha²kxai³ a²-
wa³kxēn³no³ti² nxe³sa²kxah³lo²sa¹wa². Txa²ha³teh³nxā³nxā² ū³wha²li¹lhxā³
ū³sa²si¹lhā³ū¹nx2ta¹tu¹wa². I³sa³e²ah³lu¹tai²na² a²ne³tah²nāu³syah¹lxi¹lxa².
A²nxe³jah¹lu¹tai²na² wē³ha³lxi³khai³xa² hxi²ka² hxan³sxā³ a²jā¹nxe² ha¹li¹
wxa²sa²so¹xi²nūn³sxā³ nxe³ 12 nxe³sa³ a²wē³ha³lxi³lo³ta¹hxai²ti³ai¹ti²tu³wa².
Nxe³te²nāu³xu¹tai²na² a²ne³tah²nāu³syah¹lxi¹lxa². Ha³lo²a² ko³ka³lxa¹-
txi³ha³ten¹txi³sxā³ yxau³xai³yah³lxi¹lxa². Je³su²jah³lai²na² wān³txa²
yxo²ī²yah³lxin¹te²nāu³ ū³nxā² ū³wha²li¹lhā³ū¹nx2ta¹wa². Wa²su¹wa²sun¹yah³-
lxin¹ta¹ji¹wa²? Txai²li² wa²su¹yxau³na¹wa². Jā¹yxah³lxin¹ta¹ji¹wa²?

Yxo²ī²ki³jau³su² a²hoh³lxi³su² ki³jau³su²

2-3 Je³su²jah³lai²na² wān³txa² yxo²ī²yah³lxi¹nha²kxai³ txa²wā³tā³yah³lxi¹lxa².
Nxe³sxā³ ha³lo²a² kō³ton³kxi¹nx2ti³kxai²nān²tu³ ka³li³sxā³ yxau³jah¹lxi³hē¹la².
Nxex3jah³lxi³sxā³ ko³ton³kxi²si¹nx2ti³kxai²nān²tu³ Txa²wā¹sū³na² wān³txa² ya³-
nān³ta³ki²la²sxā³ yxo²ī²sxā³ yxau²xai³jah¹lxi³hē¹la². 4 Ya³nān³ta³ki²la²sxā³ yxo²ī²sxā³
yxau²xai³yah³lxin¹kxai²nān²tu³ ū²la² ya³lo³txi¹jah³lxi³hē¹la². 5 A³na¹yah³lxi³txa³hē¹la².
Nxe³sxā³ ya³lo³txi³khaix1yah³lxin¹kxai²nān²tu³ a²nū²a² kāin²jah¹la² hxi²kan¹ti²hū³-
nxē² yxau³yah³lxin¹tu¹wa². 5 Yxān¹ta¹l²l³te² i³nxā² nxe²e³in¹kxai²nān²tu³:
—Txai²li² a²hoh³lxi³su² nxa³nhai¹. Nxin¹kxai²nān²tu³ Txa²wā¹sū³na² ū³wā³txi³-
sxā³ ū³hen³txi³txai¹nhē¹la². Nxe³sxā³ ū³wā³txi³sxā³ ū³hen³txain¹yah³lxin¹te³nah¹lxi¹:
—Txa²sū³nāi³. A²hoh³lxi³su² sa²nxā³nhai¹. A²hoh³lxi³sa²nūh¹se¹li¹. Nxe³-
yah³lxin¹kxai²nān²tu³ a²hoh³lxi³sa²nūh¹nxā²tu¹wa². Wi¹lhin¹khai¹nxe³ha²kxai³:
—Ih¹nxe³tin¹jau³ta³ ū³wā³txi³san¹si¹lxi¹. Nxe³nxain¹jau³su² ū³kwai²kxi²nxai¹-
nxā³lho³la². Wi¹lhin¹ksxā³ ū³hū¹nxā²tu¹wa². 6 Nxe³yān¹tah¹lxa¹ nxe² ū³wā³txi³sxā³
 ū³hen³txai¹nīn¹kxai²nān²tu³ ū³yo²ī²khai¹nxe³se¹la². ū³wā³ta³kxi²nh²txa³hē¹la². ū³-
wā³ta³kxi²nhān¹kxai²nān²tu³ ū³ye³na² ū³je³na² yā¹nxe³hī³nxā¹lxa². Nxe³sxā³ it3ta²
ŷn³txi³sa²ne³so¹kxi²kxa² yā¹nxe³hī³nxā¹lxa². ū³ye³na² sa²xit3sa²ta³i² sa²wa²lho¹-
xi² nxe³te²ju²hē³la². Te²ya¹nxe³jut3su² wxāi²lxa³ ū³wā³ta³kxi²nhān¹kxai²nān²tu³
wi¹jau³xa² yxo²ī² wi¹lxa³jau³xa² yxo²ī² nxe² sa²the³jah³lxi³hī³nxā¹lxa². Ju¹tai²-
li² wai³nxā³wa². 7 Nxin¹kxai²nān²tu³ ū³wā³txi³nhān¹kxai²nān²tu³ Txa²wā¹sū³na²
a²hoh³lxi³sa²nū²nxā²ju³ta² wahx3nxin¹kxan²ti³ ū³tih³nxe³nxān²nxā³lho³la². 8 Nxe³-

jah¹la² he³la³kxa² Txa²wā¹sū³na² wān³txa² wā³txi³nū¹ha²kxai³ yau³ka³lxa¹txi³
sa²ne³ya²ta² ai³te²ju²hē³la². Nxe³ha²kxai³ Txa²wā¹sū³na² hi²sen³su² a²hoh³lxi³sa²-
nū¹hain¹ju³ta² yū³ye²te²sxa³yu²hē³la². Te²ya¹xah³lxi³txa³hē¹la².

Yen³kxih³ki³jau³su²

9Nxa²ha¹te¹ a²nū²a² yen³kxi³txa²jah¹lai²na² sa²kxai³lu² Je³su²jah³lai²na² wān³txa²
yxo²i²te²su² te²a² Txa²wā¹sū³na² yen³nāu³a¹ wi¹lhin¹ye²jah¹lai²la¹wa². 10Te²yā¹-
nxe³sxa³ a²nū²a² yen³kxi³yhe²jah¹lai²na² sa²kxai³lu² Je³su²jah³lai²na² wān³txa²
yxo²i²te²su² te²a² Txa²wā¹sū³na² yen³nāu³a¹ wi¹lhin¹ye²jah¹lo²su²nūn³na³la².
Nxe³yān¹ta¹ kāin² yen³kxih³ye²kxan²ti³ Je³su²jah³lai²na² wān³txa² yxo²i²xa³-
kxai²nān²tu³ Txa²wā¹sū³na² yen³nāu³a² hai³txi³ kāi²no³nxa³wa². Hi³yāu³sa³kxa²
yā¹nxe³hī³nx2na³la². 11Hi³yāu³sa³kxai²li² a²wi¹lhī¹na² wi¹khaix1te²ju²hē³la². Nxe³ta¹
ye³je¹na² it3ta² a³lan²te²a² wxā³nū²la² wān³ya³lu²sxa³ i³sa³li³te²ju²hē³la². Nxe³sxa³
a²wi¹ju³ta² a³lu²txi³ wi¹te²sxa³yu²hē³la². Te²yā¹nxe³ju³ta² yen³kxih³jah¹la² te²yā¹-
nxe³hī³nx2na³la². Yen³kxih³sxa³ hin¹tāu³a¹ ya³lu²te²ju²hē³la². Jā¹nxe³ha³ta²wa².
Hi³yāu³sa³kxa² a²txai²na¹ wi¹kxan²ti³ yan¹nāu³a¹ khon³tu¹wa². Nxe³kxa² yā¹nxe³-
sxa³ yen³kxih³khaix1jah¹la² sa²kxai³lu² ya³lu²ju³ta² ye³jen¹na² yū³hxai²na²hē³la².

Ko³nxe³ti³ kāi³sain³si¹nhē³jau³su²

12Nxa²ha¹te¹ ko³nxe³ton³kxi²jah¹lo²su² te²an²tu³ Txa²wā¹sū³na² wān³-
txa² nxū²kwai³lxū¹sxa³ yxau³kxai²nān²tu³ wi¹lhin¹khā¹nxe³hī³nx2na³la².
Nxū²kwai³lxū¹nha²kxai³ wi¹lxo³kxi²ha²kxai³ Txa²wā¹sū³na² hi²sen³su²
wi¹lhin¹sxa³ i²tu¹wa². Nxe³te³nah¹lxi¹:

—~Jah¹lai²li² a³lxi¹sain¹na³na¹. Txa²wān³txa² sa²yxo²ā³sain¹nxa³xā¹.
Nxe³ha²kxai³ wi¹lhin¹sxa³ i²ai¹na¹xā¹. A²ē¹nān¹jau³su² nxe³tu¹wa². 13Nxe³-
ha²kxai³ ko³nxe³ti³ o²la³kxi²sain³sain¹ja³xa² wxā³kxai²nān²tu³ Sū³na²
ko³nxe³te²lo³txa³hē¹la². Ko³nxe³te²lo³txan³te³nah¹lxi¹:
—~Txa²wā¹sū³na² hi²sen³su² ko³nxe³ti³ o²la³kxi²sain³sain¹te³na³li¹. Nxīn¹-
jau³su² nxe² e³txa³hē¹la². Nxe³sxa³ ha³lo²a² ko³ton³kxi²nē³kxan²ti³ Su³na²
ko³nxe³ti³ kāi³ki³ju³ta² te³nxa³wa². Ko³nxe³ti³ kāi³jah¹lo²sxa³wa². Te²yā¹nxe³-
sxa³ a²nū²a² i²li³te²a² ko³nxe³ti³ kāi³si¹hain¹ja³su² o²la³kxi²nū¹hai¹nxa³wa².
14-15Nxe³yān¹ta¹ wā²nxū¹hī³ain³nha²sxa³ yxo²kwain³sān²ki³ka³tu³ ko³nxe³ti³
kāi³hī³ki³tā³la². Nū²la² hā²wxān³txa³ kāi²not3sxa³ ko³nxe³ti³ kāi³hī³ki³tā³la².
Nxe³te²kxa³yan³tu³ti¹ hā²wxān³txa³ ya³lu²nē³te³nāu³a¹ hxi²kan¹txi³ Txa²-
wā¹sū³na² yxau³ju³ta³nū²a² ā³wih¹sxa³ yxau³ki³sxa³lho³la². Nxe³tāu³ā²tu³ti¹
Txa²wā¹sū³nu²kxai³lu² nxe²e³kxi²te³nah¹lxi¹:

—~Ko³nxe³ti³ kāi³i¹nhē³li¹. Nxīn¹nha²kxai³ yxau³khā¹nxīn¹ju³ta² ā³wih¹-
sxa³ yxau²nxān³so³li¹. Txa²wā¹sū³na² nxe³hī³nx2na³la².

16Jā¹nxe³ha²kxai³ txa²wā¹sū³ta³yah³lxi¹nha²kxai³ a³lx¹nx2ta¹nha²wa².
Wxa²ē¹nāu³ai²na² wā²nxū¹hī³ a³ke³tū¹kxi²nyhah¹lxi³txa³hē¹la². 17Ha³lo²a²
wi¹te²a² yxo²ha³kxa¹ oh³nān¹ta³ko³nāu³a¹ wxā³nū¹nhē³lha²kxai³ ko³-
nxe³ju³ta² oh³nān¹ta³ko³nāu³a¹ wxā³nū¹nhē³lxa³ha²kxai³ nxe³te²ju²hē³la².

Yen³kxai²na² wi¹te²na² sa²kxai³lu² u³je³na³ka² i³la³kxa² we¹jah¹la² hxi²ka²
wxā³nū¹nhē³te²ju²hē³la². ī³ā³lxi³to³nha²te²ju²hē³la². Yxān¹ta¹ jah¹lai²li²hai³-
txi³ ā³lxi³to³nha²jah¹lo²su² te²sxa³yu²hē³la². A²nxe³jah¹lai²li² Txa²wā¹sū³na²
Si³yxau³jah¹lai²la¹wa². 18 A²nxe³jah¹la² hi²sen³su² wā²nxū¹lxi³ wān³txa² ya²-
la³lyau³xa² ū³hū¹ne³lain¹na²hē³la². Nxe³jau³xan²ty³ sa²yxo²wet1so¹kī³sa²kxai³
ī³kaix1sa²so¹ne³na³la². Sū³na² wē³sa² hxi²ka¹kxa² yā¹nxe³ti³hi¹te³na³la².

Txa²wā¹sū³na² wān³txa² ain³kxi²nha²sxa³ kāi³kī³jau³su²

19 Txa²wā³tā³yah³lxi¹lxa². A³lxi¹nx²ta¹nha²wa². Wān³txai²li² wi¹la³ na³ka²-
kxi¹jah¹lxi³hē¹la². Wa³su³txi³ ain³kxi²nha¹lxah³lxi³hē¹la². Yxān¹ta¹ wa³su³txi³
e³yah³lxi³sān²txa³hē¹la². Te²yā¹nxe³sxa³ wa³su³txi³ yxai¹yhah³lxi³sān²txa³-
hē¹la². 20 Nxe³sxa³ ī³xan³ta³kxi²jah¹lai²li² hxi²kan¹txi³ Txa²wā¹sū³na² wān³txa²
wi¹la³ kāi³te²sxa³yu²hē³la². 21 Nxe³jut3su² ha²kxai³ kuh³lxa³thin¹yah³lxin¹ju³ta²
ā³na¹yah³lxi¹nha²kxai³ ko³nxe³ti³ kāi³yah³lxin¹ju³ta² ha³kxa¹ ā³na¹yah³lxi¹-
nha²kxai³ nxex3jah³lxi³hē¹la². Nxe³yah³lxi¹nha²kxai³ Txa²wā¹sū³na² wān³txa²
wxa²ē¹nāu³ai²na² ī³til³nxe³nx2ti³jau³xai²na² wi¹lhin¹sxa³ yxo²ī²jah³lxi³hē¹la².
A²nxe³jau³xai²na² sa²kxai³lu² txa²wā¹ē¹nāu³ai²na² sa²hau³ko³te³jau³xai²la¹wa².

22 Nxe³sxa³ wxa²ē¹nāu³ai²na² ā³ke³tū¹kxi²nyhah¹lxi³txa³hē¹la². Txa²wā¹sū³na²
wān³txai²li² kwa² ain³kxi²yah³lxin¹ju³ta² wai³nxa³wa². Wān³txai²na² yxo²-
ha³kxa¹ wain³txi³sa²yxo²we¹jah³lxi³hē¹la². 23 Jā¹nxe³sxa³ wān³txai²li² kwa²
ain³kxi²jah¹lai²na² sa²kxai³lu² a²nū²hū³nhi³nx2na³la². Nxe³te³nah¹lxi¹, es³pe⁻
ya²ka³lo³a² ī²nha²te²hū³nhi³nx2na³la². A²nū²khai³nāu³a² ī²kxi²nha²hī³nx2na³la².
24 ī²nha²sxa³ kwa² a³li³hī³nx2na³la². A³li³te²ān¹tu³ti¹ a²nū²khai³nāu³ai²na²
ha²ya³kxa² ain³nha²hī³nx2nxa³wa². Te²yā¹nxe³kxe³hū³sxa³ kwa² ain³kxi²jah¹-
lo²kxai³lu² hai³txi³ Sū³na² wān³txa²kxai³lu² ain³so¹jah¹lo²su²hī³nx2nxa³wa².
25 Yxān¹ta¹ es³pe²ya²ka³lo³a² wi¹lī²nha²kxai²nān²tu³ ne³wā²na³nha²nxa³kxai²-
nān²tu³ a²nū²ai²na² Txa²wā¹sū³na² wān³txa² wain³jau³su² ain³kxi²jah¹lo²su²
kxa²yāx1hī³nx2na³la². A²nxe³jah¹lai²na² sa²kxai³lu² Txa²wā¹sū³na² wān³txa²
wain³jau³su² ha²kxai³ ko³nxe³ju³ta² ī³wa²sut1sxa³ yxau³ha²kxai³ ne³jau¹xai²na²
wi¹lain³nha²sān²sxa³ hā²wxān³txi³te²lxi³ sa²yxo²we¹thī³nx2na³la². Sa²yxo²-
wet1sxā³ kāi³ha²kxai³ Txa²wā¹sū³na² sa²kxai³lu² wi¹lī²ai¹nhi³nx2na³la².

26 Jā¹nxe³jut3su² a²nū²a² ī²li³te²a² a²ē¹nān¹jau³kxai³lu¹:
—~Txa²li² Sū³na² wān³txa² wain³txi³ yxo²ī²a¹xā¹. Wi¹lhin¹khai¹na¹xā¹.
Nxe³ta¹ a²yxo²e³jau³xa² wai³nxa³kxai²nān²tu³ a²ē¹nāu³ai²na² ā³ke⁻
tū¹kxi²nha²hī³nx2na³la². Wā²nxū¹ yxo²ī²nha²jau³xa² wai³nxa³wa².
Wā³nxīn¹te²sxa³yu²hē³la². 27 Nxe³yān¹ta¹ Txa²wā¹sū³na² Txa²wā¹wī³nu²su²
ha²kxai³ yxo²ī²kī³ju³ta² ten³kxi²nē³na³la². Nxe³kxa²yu³su² sai³kī³-
nāu³xa²su² tā³nxa² tu¹ha² wha³te³son³te³su² tā³nxa² a²wē³sāi¹yah³la²
ya³lu²kxi²ta¹kā³lxi³su² te²su² tā³nxa² ī²ain¹kxai²nān²tu³ ai³sxa³ ī³non²-
ta³kxain¹ju³ta² wain³ni² ko³nxe³ti³ kāi³ju³ta² ī³na¹kxai²nān²tu³ wain³ni²
nxe³te²ju²hē³la². Jā¹nxe³jut3su² nx² kāi³kxai²nān²tu³ yxo²ī²nha²kxe³ju³-
ta² wā³nxīn¹te²ju²hē³la². Ju¹ta² Txa²wā¹sū³na² ten³na³la².

Hau³hau³kon³sxā³ kāi³ūh¹kī³jau³su²

2 ¹Txa²wā³tā³nāu³xā³. Je³su² Kris²tu³jah¹la² Txa²wā¹lxi²kan¹ta² Si³yxau³ jah¹lo²su² ha²kxai³ wxi²kin³ti³ton³jah¹lo²su² ha²kxai³ yxo²ī²yah³lxin¹te² ī³nxai²na² nxe³yah³lxi³ta¹hi¹nhe¹la². A²nū²a² yen³kxih³te²a² sa²nēn¹kxi²yah³ lxi³ta¹hi¹nhe¹la². Te²yā¹nxe³sxā³ a²nū²a² ā³xai²li² yen³kxih³xa³te²a² ko³txi³ e³kxi²yah³lxi³ta¹hi¹nhe¹la². Jā¹yxah³lxi³txa³hē¹la². Ju¹tai²na² wai³nxa³wa². A²nū²a² yxo²ha³kxa¹ yxo²hau³hau³kon³sxā³ sa²nēn¹kxi¹jah³lxi³hē¹la². ²Nxe³ sxā³ ā³yā³nū²kxi²yah³lxi¹lxai²nān²tu³ yen³kxih³khaix1jah¹la² ya³lau³xa² wa²tu¹wa²tun¹ka³lo³a² ā³nhxi²wxe³nha²ha²kxai³ wā²la² wi¹khaix1ka³lo³a² ū³ whi²kxi²nha²ha²kxai³ a²nxe³jah¹lai²li² ā³nū²kxi¹nx2ti³hī³nx2na³la². Te²yā¹nxe³sxā³ a²nū²ā³xai² yen³kxi³txa²jah¹la² wā²la² ko³nxe³khaix1ka³lo³a² ū³whi²kxi²nha²ha² kxai³ nxe³jah¹lai²li² ā³nū²kxi¹nx2ti³nū³hī³nx2na³la². ³Nxe³nx2ti³kxai²nān²tu³ wā²la² wi¹ka³lo³a² wi²kxi²nha²jah¹lai²na² wi¹le³kxi²yah³lxi¹te³na¹lxi¹: —~Yen³kxi³hi¹nha²kxai³ hxi²kan¹jah¹la² ā³wxe³ka³lo³ai²li² ā³wxe³txu¹li¹. Yah³lxi¹nha²kxai³ nxe³yān¹ta¹ yen³kxi³txa²jah¹la² e³kxi²yah³lxi¹te³nah¹lxi¹: —~Yen³kxi³txa¹nha²kxai³ kwa² ā³sa²nū³txu¹li¹. Ta³nxa²: —~Yuh³xa² u²lxa³wxe³txu¹li¹. Nxe² e³kxah¹lxi³txa³hē¹la². ⁴Ko³nxe³ti³ kāi³yah³lxi³hī³nxa¹lxa². A²nū²a² ha³na³ka³lxi² ha³na³ka³lxi² ī²nyha¹lxin¹ kxai²nān²tu³ wain³txi³ hain³nyhah¹lxa³lxa². ⁵Jā¹nxe³jut3su² txa²wā³tā³yah³lxi¹lxa². A³lxi¹nx2ta¹wa². Ain³kxi². sah¹lxi³hē¹la². Txa²wā¹sū³na² hi²sen³su² a²nū²a² yen³kxi³txa²te²a² ī²sxā³ sa²so¹ain¹na²hē³la². Nxe³sxā³ e³kxi²te³nah¹lxi¹: —~Jah¹lai²li² yen³kxi³txa²na³li¹. Yxān¹ta¹ nxe³kxan³ti³ a³lxi²sa²na³li¹. Txa²wān³ txa² yxo²ī²sa²na³li¹. Nxe³ha²kxai³ kxān³nāu³a¹ a³ka³nxa¹tāu³a¹ yxau³khai³nxa¹ju³ta² a²nū²a² a³lxi²sain¹te²nāu³xa² a²yo²ha³kxai¹ yxau²sa²te³ya³sain¹tu¹wi¹. A²nxe³ tāu³a¹ yxau²sa²te³ya³sa²nū³nīn¹tu¹wi¹, hī¹na² yen³kxi³txa²nxa²kxan²ti³nū¹. Txa²wā¹sū³na² nxe³ta¹hxai³hē¹la². ⁶Nxe³yān¹ta¹ jah¹lai²li² yen³kxi³txa²jah¹lai²li² ko³te³kxah¹lxi³ta¹hi¹nhe¹la². Nxe³yah³lxi¹kxa² ha³ti³xan²tu³ yen³kxih³ khaix1jah¹lai²li² wi¹le³kxah¹lxi³ta¹hi¹nhe¹la². Yxah³lxi¹ka³tu³ta¹ yen³kxih³te²na² sa²kxai³lu² wa³kon³kxi¹nx²lxi³si¹hain¹ja¹su² kwa³na³nxa²lxi³ja¹lai²lu¹wa². Te²yā¹nxe³sxā³ ko³nxe³ti³ ī³yī¹li¹nx2ti³si¹hain¹ja¹su² ī³wā³txi³nx2tai¹te²kxa³ya³ lhu² a²nū²a² hxi²kan¹te²nāu³xa² ū³wxe³kxi¹nx2ti³hī³nx2na³la². ⁷Jā¹nxe³jut3su² Je³su²jah¹lai²na² wān³txa² yxo²ī²yah³lxi¹te²kxa³ya³lhu² a²sa³wi³ha³lxi³su² kha³ti³hi¹ta²lxi³na³la². Nxe³nx2ti³kxa² ha³ti³xan²tu³ yen³kxih³khaix1jah¹lai²na² a²yo²wān³txa² Je³su²jah³la² ko³nxe³te²lo³tain¹na³la². ⁸Jā¹nxe³jut3su² Txa²wā¹sū³na² ū³wha²li¹txā³nxa² nxe³te³nah¹lxi¹: —~A³lxi²nyhah¹lxi¹kxa² yā¹nxe³sxā³ a²nū²a² ā³xai² a³lxi²txai¹yah³ lxi³hē¹li¹. Nxe³jau³xai²na² sa²yxo²we¹jah³lxi¹kxa²nān²tu³ wain³txi³ kāi³yah³lxi³hī³nxa²lxa². ⁹Yxah³lxi¹ta¹ a²nū²a² yen³kxi³yhe²te²na² so¹lxi³ ī³wi¹ lxo³kxi²nū¹hain¹yah³lxi¹kxa²nān²tu³ ko³nxe³ti³ kāi³yah³lxi¹lxa². Txa²wā¹sū³na² wān³txi³nu¹txa²kxai³ sa²yxo²a³yah³lxi¹lxa². ¹⁰Jā¹nxe³jut3su² Sū³na² wān³txa²

yxau³ka³na³ka³na³kxan²ti³ sa²yxo²ā³in¹ke³la³te²kxai³ Sū³na² kwa³na³jau³xai³tā² yxo²ha³kxa¹ yxau³ka³lxa¹kxan²ti³ sa²yxo²ā³in¹ju³ta² hxi³ki³te²la³ yah³lxi³hi³-nxa¹lxa². 11 Jā¹nxe³sxā³ Sū³na² ū³wha²l¹txā³nxu¹tai²na² nxe³te³nah¹lxi¹:

—~Tu¹ha² ā³xa² so¹sxā³ ū³whīn¹txi³txa³hē¹li¹. Txa²wā¹sū³na² nxe³ta¹-hxai²hē¹la². Te²yā¹nxūn³te³nah¹lxi¹:

—~A²nū²a² ī³su²lhā³txa³hē¹li¹. Txa²wā¹sū³na² wān³txi³su²nūn³ta¹hxai²hē¹la². Nxe³sxā³ a²nū²a² ī³su²lhā³in¹kxai²nān²tu³ wa²nxūh¹lxi³hi³nxa¹lxa², txa¹ha² ā³xa² ū³whīn¹ta³kxi²nxā²nxā³kxan²ti³na². Txa²wā¹sū³na² wān³txa² sa²yxo²ā³hi³nxā¹lxa². 12 Nxe³yān¹ta¹ Kris²tu³jah¹lai²na² wān³txa² ā³wa²su¹kxi²nē³jau³xa² txa²wā¹ē¹-nāu³ai²na² ī²nē³jau³xan²tu³ ī³yī¹li²nē³tu¹wa². Nxe³ha²kxai³ e³in¹jau³su² ta³nxā² kāi³in¹jut3su² ta³nxā² ī²khai¹nxe³se¹la², ko³nxe³te²la³ ī³yī¹li²nxā²kxa²yān³txi³sa³. 13 Nxe³ha²kxai³ kxā³nāu³a¹ Txa²wā¹sū³nai²li²a²nū²a² ī³yī¹li²nhe³te³lhā³a³ka³-nxi²tu¹wa². Nxe³ha²kxai³ wxā²ē¹nāu³ai²na² sa²lxai³lu² a²nū²a² ī³xa² wi¹lhīn¹sxā³ thāi³ti³la² sa²hau³ko³nyhu¹xan³kxai²nān²tu³ kxān³nāu³a¹ Txa²wā¹sū³na² wi¹-lhīn¹sxā³ thāi³ti³la² sa²hau³ko³nyhu¹in¹kxai²nān²tu³ kxān³nāu³a¹ Txa²wā¹sū³na² wi¹lhīn¹sxā³ thāi³ti³la² sa²hau³ko³nyhu¹in¹kxai²nān²tu³ kxān³nāu³a¹ Txa²wā¹sū³na² wi¹lhīn¹sxā³ thāi³ti³la² sa²hau³ko³txa²tu¹wa². Nxe³sxā³ Txa²wā¹sū³na² wi¹lhīn¹sxā³ thāi³ti³la² sa²hau³ko³txa²tu¹wa². Nxe³sxā³ Txa²wā¹sū³na² wi¹lhīn¹sxā³ thāi³ti³la² sa²hau³ko³txa²tu¹wa².

Txa²wā¹sū³na² wān³txa² ain³kxi²sxā³ sa²yxo²we¹ki³jau³su²

14 Nxe²ha¹te¹ txa²wā³tā²yah³lxi¹lxa². A²nū²a² ī²li³te²a² e³te³nah¹lxi¹:

—~Je³su²jah³lai²na² wān³txa² yxo²i²te²sa¹wi¹. Nxe³ta¹ Hai³txi³ wi¹lhīn¹-ju³ta³lā³ kāi³xa³ke³la³te²kxai³ yxo²i²nha²kxe³su² ya²la³lhu²hī³nx2nxā³wa². A²ē¹nāu³ai²na² sa²hau³kot3sī³nx2nxā³wa². Nxe³yān¹tah¹lxa¹ wi¹lhīn¹ju³ta² kāi³ke³la³te²kxai³ yxo²i²nha²kxe³su² ya²la³lhu²hī³nx2na³la². A²ē¹nāu³-ai²na² sa²hau³kot3sī³nx2na³la². 15 Te²yā¹nxe³jut3su² Je³su²jah³lai²na² wān³txa² yxo²i²te²na² wxā²wā³tā²te²nān²tu³ wā²txa²ha²kxai³ he³ja³lu²-ha²kxai³ nxe³hī³nx2na³la². 16 Nxe³ke³la³te²kxai³ yen³kxi³la³ yū³ai¹nxa³kxa² wā²nhūh¹ ī³nx2nxā³lxa². Nxēn²nxa³kxan²ti³ e³kxai¹nīm¹te³nah¹lxi¹:

—~Txa²wā¹sū³na² wi¹lī²nxā²tu¹wi¹. Ha³lo²a² ī³lxi³kxan²ti³ sa²lat1sxā³ yxau³sē¹li¹. Te²yā¹nxe³sxā³ he³ja²lu¹nxā²kxan²ti³ ī³kxi²sxā³ yxau³sē¹li¹. Nxīn¹-jau³su² kxan²ti³ wā²nhū¹ai¹nxā³ke³la³te²kxai³ hai³txi³ wai³nhī³nx2nxā³wa².

17 Te²yā¹nxe³jut3su² yxo²i²nha²ki³kxan²ti³ wi¹lhīn¹ju³ta² kāi³ti³ten³ki³sxa³ke³-la³te²kxai³ yxo²i²nha²ki³ju³ta³la³ ya²la³lhu²ne³lī³nx2nxā³wa².

18 Nxe³ha²kxai³lu¹ a²nū²a² e³kxi²sa²ke³la³te²kxai³ nxe³te³nah¹lxi¹:

—~Wxāi²li² yxo²i²nhān¹ju³ta² yū³nhī¹lxi¹. Yxān¹ta¹ txai²li² hāi¹nxe³sxā³ wi¹lhīn¹ju³ta² kāi³a¹kxe³su² so¹lxi³ nxe³jah¹lo²sa¹wi¹, yxo²i²nha²nxā³kxan²ti³-nū¹. Nxe³sa²jau³su² nxe³hī³nx2na³la². Nxe³ha²kxai³ ī³wa²lū³xi²na¹te³nah¹lxi¹:

—~Hai³txi³ ha³na³ka³lxin³jut3su² te²sxa³wi¹. Wi¹lhīn¹ju³ta² kāi³xān³kxai²nān²-tu³ yxo²i²ye¹nx2nxān³tai¹. Nxe³yān¹ta¹ txai²li² yxo²i²te²sa¹wi¹. Nxe³te²sa¹ha²kxai³ wi¹lhīn¹ju³ta² kāi³a¹kxe³su² yxo²i²ye¹nxān³tai¹. 19 Nxe³yān¹ta¹:

—~Txa²wā¹sū³nu²su² kāin²khaix1jah¹la² ka³na³ka³na³tā³li¹. Nxēn¹jau³su² ha²kxai³ yxo²i²nxa²ta²lu¹wa². Ju¹tai²li² wain³na³la². Nxe³yān¹ta¹ a²ta³a² nū³ka³-txa² yxo²i²ain¹nūn³te²ju²hē³la². Yxo²i²sxa³ yuh³lxain¹te²ju²hē³la². Yuh³lxix³sxa³ ka³ta³ta³tain¹te²ju²hē³la². Yxo²i²ain¹l'kxan²ti³nū¹ Sū³na² wān³txa² sa²yxo²we¹tai¹-nxa³wa², a²ta³a² nū³ka³txa²sa³. 20¹f³yxah³son³txa³hē¹la². Wi¹lain³kxi²sah¹lxi³hē¹-la². Je³su²jah³la² wān³txa² yxo²i²kxan²ti³ yxān¹ta¹ sa²yxo²we¹txa³kxai²nān²tu³ kwa² yxo²i²hī³nx2na³la². 21 A³bra³āu²ah³lu¹tai²na² txa²wā¹wī³nu¹kxai³lu² i²jah¹lxi³hē¹-la². Txa²wā¹sū³na² hi²sen³kxai³lu¹ A³bra³āu²ah³lu¹tai²na² e³kxi²te³nah¹lxi¹.

—~Wxa²ki³lha³lxa² I³sa²kah³lai²li² te³ka³tu³ wā³la³ka³txa² ka³la³ja¹hē³li¹. Ka³la³ya³hin¹kxai²nān²tu³ txah³lxa³kxa³txa² ūh³wxe³ja¹hē³li¹. Ya³hin¹-kxai²nān²tu³ wxa²wē³sa² i³su²lhā³txa²hē³li¹. Nxe³ta¹hxai²hē¹la². Nxe³nū²la² Sū³na² wān³txa² sa²yxo²we¹te³lhxā³ ka³la³ya³ta¹hxai²hē¹la². Nxe³nū²la² nxa²ha¹te¹ Txa²wā¹sū³na² sa²yxo²we¹nha²ju³ta² i²ha²kxai³ hāi¹nxā¹si¹jau³-su² kwa³na³ta¹hxai²hē¹la². Nxe³sxa³ Txa²wā¹sū³na² a²wān³txi³kxai³lu¹:

—~Sa²yxo²wet1sa¹nha²kxai³ wxa²e¹nāu³ai²na² wain³te²lo³txa²ha¹wi¹. Nxe³ta¹hxai²hē¹la². 22 Nxe³ha²kxai³ A³bra³āu²ah³lu¹tai²na² sa²kxai³lu² Txa²wā¹sū³na² wān³txa² yxo²i²ta¹hxai²hē¹la². Nxe³kxa²yu³su² wān³txai²-na² yxo²ha³kxa¹ sa²yxo²we¹ta¹hxai²hē¹la². Nxe³sxa³ sa²yxo²we¹tha²kxai³ Txa²wā¹sū³na² wān³txa² ā²la² kāi²non³sxa³ wain³txi³ yxo²i²ta¹hxai²hē¹la². 23 Jā¹nxe³jut3su² Txa²wā¹sū³na² ū³wha²li¹txa³nxai³tā² nxe³te³nah¹lxi¹:

—~A³bra³āu²ah³lu¹tai²na² sa²kxai³lu² Txa²wā¹sū³na² wān³txa² yxo²i²ta¹-hxai²hē¹li¹. Nxe³ha²kxai³ Txa²wā¹sū³na² hi²sen³su² wi¹lhi¹ti³hi¹ta¹hxai²hē¹li¹. Nxe³ta¹hxai²hē¹la². Jā¹nxe³nū²la² Txa²wā¹sū³na² āh¹ e³kxi²te³nah¹lxi¹:

—~A³bra³āu²ah³lai²li² txa²sa³wi³sai²la¹wi¹. A³lxi²na¹nhai¹. Nxe³ta¹hxai²hē¹-la². 24 Jā¹nxe³jut3su² yxo²i²nha²kī³ju³ta² wain³na³la². Yxān¹ta¹ Sū³na² wān³txa² sa²yxo²we¹kī³sxa³kxai²nān²tu³ hxi²kan¹txi³ wain³te²lo³tē³hī³nx2nxā³wa².

25 Te²yā¹nxe³jut3su² Ra³a²ba³ka³lxa² te²yā¹nxūn³ta¹hxai²hē¹-la². A²kxā³nxa²kuh³lxa³sin¹sxa³ o²la³kxi²ta¹ka³lxa³su² ta¹hxai²hē¹la². A²nxe³ta¹ka³lxai²na² sa²kxai³lu² in³txi³nāu³xa² Txa²wā¹sū³nai²na² ī³sa²si¹-hā³jah³la²nāu³xai²li² wi¹lhau³ko³ta¹hxai²hē¹la². Wi¹lhau³ko³te³nah¹lxi¹:


—~Tīh³na³ wxā³ya³hin¹tīh³nai²li² wā³li²ya³txa³hē¹li¹. Sun²tā¹nx2tai¹nha³-tai¹. Tīh³nu² ī³lxi³tīh³na² wa³li²ja¹hē³li¹. Nxe³ta¹hxai²hē¹la². Nxe³kxan²ta² wi¹lhin¹ju³ta² kāi³ha²kxai³ Txa²wā¹sū³na² wi¹lhit1sxā³ ī³yī¹li²ta¹hxai²hē¹la².

26 Jā¹nxe³jut3su² txa²wā¹nū²ai²li² ī³ya¹txa³sxa³ ya³lu²te²jai¹ti²tu³wa². Te²yā¹nxe³sxa³ Je³su²jah³lai²na² wān³txa² kwa² yxo²i²kī³kxai²nān²-tu³ yxān¹ta¹ sa²yxo²we¹kī³sxa³kxai²nān²tu³ txa²wā¹yxo²i²kxi²kī³ju³ta² wā³nxī¹te²sxa³yu²hē³la².

Txa²wā¹e³kxi²kī³jau³su²

3 1 Txa²wā³tā³nāu³xāi³. Ko³nxe³ti³ kāi²sxa³ yxau²xai³kī³kxai²nān²tu³ Txa²wā¹-sū³na² a²yen³nāu³kxai³lu² ko³nxe³ti³ ī³yī¹li²nē³lhī³nx2na³la². Nxe³yān¹ta¹a²nū²a² ī³tīh³nxe³te²su² te²a² wen¹kī³te³na¹ hā²wxān³txa³ ko³nxe³ti³ kāi³sxa³

yxau²xai³ki³kxai²nān²tu³ kāi²non³sxa³
 ko³nxe³ti³ i³yī¹li²nē³lhi³nx2na³la². Nxe³ju³-
 tan¹te²kxai³lu² a²nū²a² i³tih³nxe³te²nū³su²
 ka³lxa¹te²nū³a² wen¹yah³lxin¹ju³ta³nū³a²
 wai³nxa³wa². Yxān¹ta¹ ka³lxa²nxa³te²nāu³-
 xa² wen¹yah³lxin¹ju³ta³nū³a² wain³na³la².
 2 A²nū²a² hāi¹nxe³ti³xa¹ ko³nxe³ti³ kāi³ki³-
 te²jai¹ti²tu³wa². Nxe³yān¹ta¹ e³ki³jau³xai²na²
 wain³jau³xa² so¹lx³ e³ki³kxai²nān²tu³
 ko³nxe³ti³ e³ki³sxa³kxai²nān²tu³ a²nū²a²
 hxi²kan¹te²su² ki³tu¹wa². Nxe³sxa³ twa²-
 wā¹nū²nāu²ai²na² whāi²na¹ hxi²kan¹txi³
 i³hau³kon³nha²hi³ki³tā³la². 3 Te²yāl¹nxe³-
 jut3su² kwa³thi³la³ka³txa² ka³jū¹lx³kat3su²
 tē³sxa³ ka²va¹la² sa²yxo²wi¹kxai²nān²tu³
 wain³txi³ sa²yxo²wet1sai¹nhī³nx2na³la². Sain¹kxai²nān²tu³ ha³lo²a² i²li³ju³ta² ai³si¹-
 ha¹jau³su² kwa³na³l¹kxai²nān²tu³ wain³txi³ ai³hi³nx2na³la². 4 Te²xa²yā¹nxe³jut3su²
 na³vi²o²tē³na² i²jah¹lx³hē¹la². Ka³lo¹ai²li² ka³lo³kāin²khaix1ka³lo³a² yū³te²jai¹ti²tu³-
 wa². It3tai²li² ū³te²a² sa²so²xai³te²jai¹ti²tu³wa². Nxe³ka³lo³ai²li² ka³lo³kāin²kxan²ti³
 a³nxai³ju³ta² hau³ko³ka³txa² yū³te²ju²hē³la². Ka³jū¹lx³kat3su² te²ju²hē³la². Nxe³sxa³
 a²wa³kxēn³yah³la² ha³lo²a² i²li³ju³ta² ai³ju³ta² ten³kxai²nān²tu³ sa²hau³kot3sxā³
 ai³te²jai¹ti²tu³wa². 5 Jā¹nxe³ha²kxai³ txa²wā¹yxo²he³lxa² yā¹nxūn³te²ju²hē³-
 la². Yxo²he³ju¹nxe³kxan²ti³ wān³txa² wx²kan¹jau³jau¹xai²na² e³to³te²ju²hē³la².
 Te²yā¹nxe³jut3su² ha³lo²a² i²jah¹lx³hē¹la². Kwē³kon³tāu³a¹ hāix1ta³ka³txa² ka³ka³-
 na³ka³nat3sxā³ hāix1tū¹kxai²nān²tu³ ha³lo²a² yxo²ha³kxa¹ i³hxan³te²jai¹ti²tu³wa².
 6 Jā¹nxe³ju³tai²li² txa²wā¹yxo²he³lxa² wān³txa² ha³nxe² yā¹nx2na³la². Ko³nxe³ju³ta²
 kāin² e³te²ju²hē³la². Txa²wā¹nū²a² whāi²na¹ a³kho³tē³toh³te²ju²hē³la². Jā¹nxe³te²a²
 sa²kxai³lu² wē³sa² we¹nhī¹nān¹te²tu³ ko³nxe³jau³xa² e³to³te²ju²hē³la². Ko³nxe³-
 khaix1jah¹lai²na² wān³txa² Sa³ta³na²jah¹lai²na² wān³txa² e³to³te²ju²hē³la². Ha³nxe²
 i³sa²te³ko³xa² yxau³jah¹lai²na² wān³txa² so¹lx³ e³to³te²ju²hē³la². 7 A²nū²a² hi²sen¹su²
 ka³yxuh³xa² yxo²ha³kxa¹ wāi¹lot3si¹jau³su² hxi²ka¹nain¹te²jai¹ti²tu³wa². Ka³-
 yxuh³su² ta³nx² ai³ki³su² ta³nx² txih³su² ta³nx² a¹in³su² ta³nx² a²yxo²ha³kxa¹
 hxi²kan¹txi³ wāi¹lo³te²jai¹ti²tu³wa². 8 Nxe³yān¹ta¹ txa²wā¹yxo²he³lhxu² wāi²-
 lot3si¹ju³ta² hxi²kan¹ki³sxa³lho³la², ko³nxe³ti³ e³jau³xa² yū³khai¹nxe³ha²kxai³la².
 Wxīx1te²hū³na³la². Wxīx1ta² sa²kxai³lu² ko³nxe³khaix1te²ju²hē³la². Te²yā¹nxe³sxa³
 e³kxi²ki³jau³xa² ko³nxe³nūn³na³la². 9 Nxe³ha²kxai³ txa²wā¹yxo²he³lxa² ka³na³-
 ka³na³kxan²ti³ Txa²wā¹sū³nai²li² Txa²wā¹hxi²kan¹ta² Si³yxau³jah¹lo²si²ha²kxai³
 sa²nēn¹kxi²ki³tā³la². Hā²wxān³txa³txa²wā¹yxo²he³lai²txi³ a²nū²a² ko³txi³ e³-
 kxi²ki³tā³la². A²nū²a² hāi¹nxe³ti³xa¹ Txa²wā¹sū³na² we¹te³tū³ka³txi³su² ki³tā³la².
 Txa²wā¹el¹nāu²ai²na² sa²kxai³lu² sū³na² yā¹nxe² we¹te³ta¹hxi²ti³ai¹ti²tu³wa².
 Nxe³nē³kxan²ti³ a²nū²a² ā³xa² ko³txi³ e³kxi²to³ki³sxa²na²hē³la². 10 Yxo²ka³na³-
 ka³na³te³kxan²ti³ wān³txa² wi¹jau³xa² e³i² nxe³ki³tā³la².



(Tiako 3.3)

Txa²wā³tā³nāu³xāi³. Ain³kxi²sah¹lxi³hē¹la². Ju¹tai²li² wai³nxa³wa². 11 Te²yā¹nxe³-ju³ta² i³yau³xē¹nai²li² hxi²kan¹txi³ txan³jau³xa² ū³whi¹so² te¹nāin²txi³ nāun³jau³xa² ū³whi¹so² nxe³hī¹ki³te¹la¹xā³? 12 Te²yā¹nxe³sxā³ fi²ko³ne³kxa² hxi²kan¹txi³ a³se³to³-na³ka² a³nxa³kxi²hī³te²la¹xā³? Ti³he¹nxa³wa². Nxe³sxā³ i³yau³xē¹na² txan³tē¹nai²li² hxi²kan¹txi³ nāun³jau³xa² ū³whi¹so²hī¹ki³sxa³wa².

A²hoh³lxa² ya²la³tu³jau³su²

13 Nxa²ha¹te¹:

—~A²hoh³lxi³sa¹wi¹. Sū³na² wān³txa² a³ne³wxe³jah¹lo²sa¹wi¹. Nxe³jau³su² nxe²-e³kxi¹nxa²hī¹ji³wa²? Yah³lxin¹kxai²nān²tu³ wi¹lhin¹ju³ta² so¹lxi³ kāi³jah¹lxi³hē¹la². Yah³lxin¹kxai²nān²tu³ wi¹lhin¹yah³lxin¹ju³ta² a²nū²a² yxo²ha³kxa¹ ū²nx2tain¹tu¹wa². Nxe³sxā³ yxo²kāi³e³yah³lxan³kxai²nān²tu³ ya²la³tu³ a²hoh³lxi³su² yah³lxin¹tu¹-wa². 14 Yxān¹ta¹ a²nū²a² a²hoh³lxi³su² te²a² i³an³ta³kxi²yah³lxi¹nha²kxai³ a²nū²a² hāi¹nxe³ti³xa¹ ne³ka³ta²si¹hain¹yah³lxin¹ju³nū²a² so¹lxi³ o²la³kxi²yah³lxi¹nha²-kxai³ nxe³yah³lxin¹kxai²nān²tu³ wxa²e¹nāu³ai²na² a³ke³tū¹kxi²nyha¹lxi¹nha³ta²wa². Wān³txa² ya²la³yau³xa² sa²yxo²ā³yah³lxi¹nha³ta²wa². Nxe³yah³lxi³txa³hē¹la². Yxo²kāi³non³sxā³ e³yah³lxi³txa³hē¹la². 15 Nxe³jau³jau³xai²li² hai³txi³ Txa²wā¹sū³na² ū³ti³nhxe³nē³jau³sxā³wa². Hāi¹sxā³ yuh³xan¹jau³xai²la¹wa². A²ta³a² wān³txai²la¹wa². 16 Jāl¹nxe³jut³su² a²nū²a² a²hoh³lxi³su² te²a² i³an³ta³kxi²yah³lxi¹nha²kxai³ a²nū²-a² hāi¹nxe³ti³xa¹ ne³ka³ta²si¹hain¹yah³lxin¹ju³nū²su² so¹lxi³ ten³yah³lxi¹nha²kxai³ nxe³yah³lxin¹kxai²nān²tu³ khu³khu³nxa² o²la³kxah³lxin¹ju³ta² yū³ha²kxai³ ko³nxe³-ti³kāi³yah³lxin¹ju³ta² yū³ha²kxai³ nxe³te²sa²hī¹ki³tā³la². 17 Nxe³yān¹ta¹ a²hoh³lxi³su² jau³xa² Txa²wā¹sū³na² ū³ti³nhxe³nē³jau³xai²li² wi¹lhin¹khaixlja³xai²la¹wa². Nxe³jau³jau³xai²li² sa²yxo²we¹ki³jau³su² ū³ki³txa² ū³hī¹ki³tā³la². Ko³nxe³thin¹sxā³ e³ki³sxa³ha²kxai³ wi¹lhin¹ju³xa² so¹lxi³ e³hī¹ki³tā³la². Hāun²jau³xa² so¹lxi³ e³hī¹ki³tā³la². Kwa²he¹kxi²nyhu¹ki³jau³xa² e³hī¹ki³sxa³wa². A²nū²a² ū³xa² ū³ti³nhxe³nē³kxai²nān²tu³ wi¹lhit¹lxā³ ain³kxi²hī¹ki³tā³la². A²nū²a² a³lxi²ki³kxa² khāuh³lxa³tain¹kxai²nān²tu³ wi¹lhin¹sxā³ thāi³ti³la² sa²hau³ko³thī¹ki³-tā³la². Wi¹lhin¹ju³ta² so¹lxi³ kāi³hī¹ki³tā³la². ū³wā³wā³txi³jau³xa² e³kxi²hī¹ki³sxa³wa². A²nū²a² ū³ke³tū¹kxain¹ki³sxa³lho³la². Ya²la³ylyau³xa² so¹lxi³ e³kxi²hī¹ki³tā³la². 18 Jāl¹nxe³jut³su² hāun²ju³ta² ten³ki³kxai²nān²tu³ hāu²non³sxā³ kāi³nū¹hain¹ki³tu¹wa². Nxe³ki³kxai²nān²tu³ wi¹lhin¹ju³ta² so¹lxi³ kāi³ū¹nē³lain¹tu¹wa².

Yuh³xai²nān¹ta² wān³txa² sa²yxo²we¹ki³jau³su²

4 1 Nxa²ha¹te¹ i¹hnxe³kxa²yan³ti³ta³ ū³ye³iy¹lhon¹ta³kxah¹lxin¹ji¹wa²? ū³nx¹e³kxa²yan³ti³ta³ he¹kxi²nyhu¹ah³lxin¹ji¹wa²? Wxa²ē¹nāu³ai²na² ko³txi³ e³kxi²nha²sxā³ yxo²kwa¹i³no³nyhah¹lxi¹nha²kxai³ he¹lah³lxin¹ta²wa². 2 Yen³kxi³-la³ ū³ye³iy¹lhon¹ta³kxah¹lxin¹hī¹ki³nx¹la². Kāin² yxo²kwain³yah³lxin¹lkxan²ti³hai³txi³ so¹lkhah²lxi³hī¹ki³nx²2nx³lxa². Yxah²lxa³nha²kxai³ kāin² he¹kxi²nyhu¹l² su²lhā³nyhu¹l² yah³lxin¹ta²wa². Ju¹tai²na² wai³nhī¹nx²2nx³wa². Nxe³yān¹ta¹ Txa²wā¹sū³na² e³ckxah²lxa³nha²kxai³ ū³nx²2ti³xan³ta²wa². 3 Te²yā¹nxe³sxā³ Txa²wā¹sū³na² e³

kxi²yah³lxin¹tāu³a² ko³nxe² ī³wā³txi³yah³lxi¹nha²qxai³ ī³hū¹nx2ti³xan³ta²wa². Kwa²wa³nī³lon³te³lhxā³ yen³kxa² ī³wā³jah³lxin¹ta²wa². ⁴Kuh³lxa³thin¹ta¹ka³lxa²yā¹yxah³lxi¹lxa². A²nxe³ta¹ka³lxai²na² sa²lxai³lu² in³txa² ā³xa² ko³nxe³ti³ yxo²-kwai³nha²qxai³ a²wē³sāi¹ah³lo²khai³xa² ā³na¹sān²nū²la² in³txa² ā³xa²lxai³lu²ko³nxe³ti³ a³nyhu¹te²ju²hē³la². A³nyhu¹kxa²yu³su² a²wē³sāi¹yah³lai²na² te²hi²-sen³lxai³lu² in³txa² ā³xa²lxai³lu² ū³ha³lo²sa²ta³hi³nx2na³la². Jā¹nxe³kxe³hū³nxe²wxāi²nāu³xai²nān²ta³Txa²wā¹sū³na² wān³txa² sa²yxo²we¹jah³lxi³ta¹hī¹lā². Yxah³lxin¹ta¹ yuh³xai²nān²ta³wān³txa² ain³kxi² ā³si³wxe³yah³lxin¹lxai²nān²tu³Txa²wā¹sū³na² te²hi²sen³lxai³lu² ī³an³ta³lxai¹nx2ti³tu¹wa². Nxe³sxā³ yuh³xai²nān²ta³wān³txan²tu³ sa²yxo²we¹jah³lxin¹lxai²nān²tu³Txa²wā¹sū³na² ya³lxai²yah³lxai³lxa². A²ko¹ko¹nū³ka³txi³su² yah³lx¹lxa². ⁵Te²ya¹nxe³jut3su²Txa²wā¹sū³na² ū³wha²li¹txā³-nxai³tā² nxe³te³nah¹lxi¹:

—~Txa²wā¹sū³na² Yāu³ka³jxah¹la² ī³nxū²kwai³wi¹nhē³jah¹la² wi¹lhau³-ko³te³na³li¹, ko³nxe³ti³ kāi³ki³kxa²yan³txi³su¹. A³lxi²khaix1nē³na³li¹. A²ē¹na²au³txi³ yxo²kwain³nē³na³li¹. Nxe³jau³jau¹xai²na² kwa²wān³txi³sxa³wa².

Ya²la³lyau³xai²la¹wa². ⁶Nxe³sxā³ ī³nxū²kwai³lxū¹nē³lha²lxai³ ko³nxe³ti³ yxo²-kwai³nē³lxa³lho³la². Txa²wā¹sū³na² ū³wha²li¹txā³nxai³tā² nxe³te³nah¹lxi¹:

—~Txa²wā¹sū³na²sa²lxai³lu² a²nū²a² yxo²kāin²e³te²su² te²a² ā³na¹ha²lxai³a²nū²a² yxo²kāin²e³xa³te²su² te²a² ī³nxū²kwai³lxū¹nha²lxai³ nxain¹tu¹wi¹. Nxe³ta¹hxi²hē¹la². ⁷Jā¹nxe³jut3su²Txa²wā¹sū³na² sa²yxo²we¹jah¹lxi³hē¹la². A²ta³a²a²hxi²kan¹jah³la² wxā³sxā³ ī³ye³kxi¹nx2ti³lxan²ti³ ī³wa²lū³xah³lxin¹te³nah¹lxi¹:

—~Wxa²wān³txa²ten³sa²si¹nxa³nhai¹. Txa²wā¹sū³na² wān³txa² so¹lxi³ten³si¹na¹wi¹. Yxah³lxin¹jau³su² lxai²nān²tu³ ā³waix3je¹nx2ti³tu¹wa². ⁸Txa²wā¹sū³na² ī³sa²te³nxa²lx¹nūn³tu¹wa². Nxe³ha²lxai³ ko³nxe³ti³ kāi³yah³lxin¹lxai²nān²tu³ wxā²hxi²khai²lx²lxin¹lxai² yā¹nxe³sxā³ ko³nxe³ju³ta² ā³na¹jah¹lxi³hē¹la². Te²yā¹nxe³sxā³ Txa²wā¹sū³na² wān³txa² wā³jah³lxin¹lxai²nān²tu³ wxā²ē¹nāu³ai²na² ī³ha³na³ti³nha¹jah³lxi³hē¹la². Txa²wā¹sū³na² wān³txa² so¹lxi³ yxo²i²jah³lxi³hē¹la². ⁹ī³āin²ta³lx¹nūn³tu¹wa², ko³nxe³ti³ kāi³yah³lx¹nūn³ha²lxai³la². ī³wxan¹sxā³nān³jal¹lxi³hē¹la², Yxo²ka³lx¹nyhah¹lxin¹jau³xa²lxai³ ā³na¹sxā³ ī³āin²ta³lx¹nūn³ha¹jah³lxi³hē¹la². ¹⁰Yxah³lxin¹lxai²nān²tu³ Txa²wā¹sū³na² e³lxain¹yah³lxin¹te³nah¹lxi¹:

—~Sū³nāi³. Ain³kxi¹sē¹li¹. Ko³nxe³ti³ kāi³jah¹lō²sa¹wi¹. Yxān¹ta¹ ī³āin²ta³-kxi²nha¹nhai¹. Nxān¹jau³su² lxai²nān²tu³ ye³jen¹nāu³a² ī³nxū²kwai³lxū¹txi³sxā³ ā³nho³lxai¹nx2ti³tu¹wa². Wxa²ē¹nāu³ai²na² tah²lx¹ ī³nx¹nx2ti³tu¹wa².

A²nū²a² ā³xa² ko³nxe³te²lo³kxi²ki³jau³su²

¹¹Txa²wā³tā³nāu³xāi³. Ko³nxe³te²lo³nyhah¹lxin¹3te²lxai³hē¹la². Nxe³sxā³ ko³nxe³te²lo³tā³nxa² wxā²ya³la² ko³nxe³ti³ ī³yī¹li²tā³nxa² yxah³lxin¹lxai²nān²tu³ Txa²wā¹sū³na² ū³wha²li¹lau³xa² ī³āin²ta³lx¹nūn³ha¹lxai³la². Hāi¹sxā³ Txa²wā¹sū³na² wān³txa² sa²yxo²we¹jah³lxi³hē¹la². A²nxe³jau³jau¹xa² ī³āin²ta³nxa² wai³nxa³ tā³nxa² nū¹hī²sxā³ ī³yī¹li²-

yah³lxi³txa³hē¹la². 12 Txa²wā¹sū³na² so¹lxi³ kwa³na³jau³xai²li² hxi²kan¹txi³
i³ye³kxi²jah¹lai²la¹wa². Jah¹la² so¹lxi³ o²la³kxi²ki³ju³ta² wi¹tā³nxa² ko³nxe³ta³nxa²
a³ya³txi²jah¹lai²la¹wa². Jah¹la² so¹lxi³ a²nū²a² sa²wa²su¹ta³nxa² a³na¹hxa³tā³nxa²
hxi²kan¹jah¹lai²la¹wa². Nxe³ha²kxai³ wxā²na² sa²kxai³lu² wxa²e¹nān¹jau³kxai³lu¹:
—~Hxi²kan¹jah¹lo²sa¹xā¹, txai²lā¹. Nxa¹ha²kxai³ txa²wā³ta³xa² yxo²ī²-
jah¹lan²ta³ a²ko³nxe³ti³ kāi³ju³ta² ko³nxe³ti³ i³yī¹li²na¹ju³ta² hxi²ka¹na¹xā¹.
Nxīn¹jau³su² nxe² e³kxi²nha²yah³lxi³txa³hē¹la².

“Ka³nxa³ha²ta² nxe² kāi³a¹tū¹xā¹.” Nxe³ki³jau³su²

13 Nxe³jah³lxi³sa²lxa². Yxo²kain²e³yah³lxi³txa³hē¹la². Nxe³yah³lxin¹te³nah¹lxi¹:
—~Hī¹na²ta³nxa² ka³nxa³ha²tai²la³ ta³nxa² sxi²jen³na² kāin²je³na² ai³-
na¹tu¹wi¹. Na¹kxai²nān²tu³ ye³ka³na³ka³nat³sxā³ kwē³kon³tāu³a¹ yxau³sxā³
yen³kxa² kāin² so¹kxi²na¹tu¹wi¹. Nxe³jau³xai²na² yxo²kāin²e³yah³lxi³txa³-
hē¹la². 14 Ka³nxa³ha²tātā³na²su² hxi²kan¹txi³ i²ki³sxa³wa². Ya³lu²ta³nxa²
ka³ten³su² yxau³ta³nxa² nxe³ki³sxa³lho³la². Kan²txi³ yxau³ki³te²sxa³yu²-
hē³la². Ha³lo²a² wi³ki²ta² yā¹ki³tā³la². Ha³lo²a² wi³ki²tai²li² wa³su³txi³
ti¹te²ju²hē³la². Te²yā¹nxe³sxā³ kan²txi³ yxau³ki³sxa³lho³la². 15 Nxe³yān¹ta¹
nxe²e³yah³lxin¹jau³nū³a² wai³nhī³nx2na³la². Nxe³yah³lxin¹te³nah¹lxi¹:
—~Nxe²kāi³ta³nxa² nxe² a³nxai³ta³nxa² Txa²wā¹sū³na² a²ten³jut3su²
kxai²nān²tu³ nx¹tu¹wi¹. Nxe³yah³lxin¹jau³su² nxe²e³yah³lxin¹kxai²nān²tu³
wai³nhī³nx2na³la². 16 Nxēn²nxa³kxai²nān²tu³ yxo²kāin² e³yah³lxi³hī³nxa¹lxa².
A²nxe³jau³xai²li² ko³nxe³ti³ kāi³yah³lxi³hī³nxa¹lxa². 17 Nxe³ha²kxai³ wi¹lī²nha¹jah¹-
lxi³hē¹la². Wain³jau³xai²li² a³ne³wxe³yah³lxi³nha²kxai³ sa²yxo²we¹jah³lxi³hē¹la².
Yxān¹ta¹ sa²yxo²we¹jah³lxi³kxai²nān²tu³ ko³nxe³ti³ kāi³yah³lxi³hī³nxa¹lxa².

Yen³kxih³te²nāu³xa² wān³txa² i³yau¹ū³hain¹ki³jau³su²

5 1 Nxa²ha¹te¹ yen³kxih³khaixl¹te² i³nxai²na² ain³kxi²sah¹lxi³hē¹la². Ha³-
lo²a² ko³ton³kxi¹nx2ti³ha³ta²wa². Kāi²khāuhx3nyhah¹lxi¹nha³ta²wa².
Yen³kxi³txa²yah³lxi¹nha³ta²wa². Nxe³ju³ta²nū³a² kāin² nā³ni² kāin² wxa¹ni² yxa³-
lxi¹nha³ta²wa². 2 Yen³kxih³yah³lxin¹kxa² khon³kxi¹nx2ti³ha³ta²wa². Wxa²wā²lai²li²
wā³sa³ti³hī²te²a² i³kho³kxi¹nx2ti³ha³ta²wa². 3 A³lxi²khaixlyah³lxin¹kxa² ya³te¹ya³-
ten¹ki³a² ki³nān²ki³sxa³ khon³kxi¹nx2ti³tu¹wa². Kwa²so¹kxi²sxa³ a³yah³lxi¹nhē³la².
Kxā³nāu³a¹ Txa²wā¹sū³na² oh³xan¹ko³xa² a³ka³nxi²sxa³ wxā³tāu³a¹ i³yī¹li²nē³tu¹wa².
Wi¹lhīt1sxā³ i³yī¹li²ta³nxa² ko³nxe³ti³ i³yī¹li²ta³nxa² nxe³nē³tu¹wa². Jā¹nxe³yah³-
lxin¹tāu³a¹ yen³kxa² a³lxi²yah³lxi¹kxe³su² ha³nxe²a² wā²nhxan³kxa² yā¹nxe³sxa³
ko³nxe³ti³ i³yī¹li²nx2ti³tu¹wa², Txa²wā¹sū³na²sa³. Kwēn¹tai²na² yen³kxa² kāin²
ū³ha¹yah³lxi¹nhē³la². 4 Nxe³yān¹ta¹ kxān³kxai³ kwa² wa³kon³kxi¹nx2tāin¹tū³ka³-
txa² wxa²hai³sxa² i³lih¹kxi¹nx2tāin¹tū³ka³txa² ū³yho³hi²hain¹yah³lxi³ta²wa².
Kāin²an³ta³kxi¹nx2tāin¹jau³xa² ain³kxi²nha¹jhah³lxi³hē¹la². Te²yā¹nxe³sxa³
wxa²hai³sxa²li² ki³kan²ki² ki³ai²li² wxa²so¹si¹hain¹yah³lxi¹jau³su² kwa³na³-
yah³lxi¹tū³ka³txa² ū³wxa¹nain¹na²he³la². ū³wxa¹nain¹jau³xai²li² Txa²wā¹sū³na²
Txa²wā¹hxi²kan¹ta² Si³yxau³jah¹lo²si²ha²kxai³ nū³kxūn³khaix1jah¹lo²si²ha²kxai³

nxe³jah¹la² ne³nxē³na² ain³kxain¹na²he³la². Wain³txi³ yo³hain¹yah³lxan³ju³-ta² ain³kxain¹na²he³la². Jā¹nxe³yah³lxin¹ju³tai²li² Txa²wā¹sū³na² hxi²ki³kxai³lu² ko³nxe³ti³ i³yī¹li¹nx2ti³tu¹wa². ⁵Txa²wā¹ha³lo²nāu³xai²li² yxau³yah³lxin¹ñau³a² wi¹lla³ yxau³khaix1yah³lxin¹ta¹ti²tu³wa². Wxa²yan³txi³nū³a² so¹lx³ i³ka³lih³-ti³ten³yah³lx¹nhē¹la². Nxe³sxā³ po¹na² su²lhi²na¹tū¹xā¹. Nxain¹kxai¹nān²tu³ û³yhai¹tai¹nha²kxai³ ha³nē³te²ju²he³la². Te²yā¹Inxe³kxe³hû³nxe² wxa²é¹nāu³ai²na² i³ka²li¹nyhah¹lxin¹ju³ta² so¹lx³ o²la³kxah¹lx¹lxa². Nyhah¹lx¹nha²kxai³ ko³nxe³ti³ i³yī¹li¹nx2ti³kxe³nū³su² wxā³nūh¹nx2ti³ha³ta²wa². ⁶Nxe³kxa²yu³su²a²nū²a² wi¹lhin¹te²a³su²lhi³te²lhxā³ ã³ke²tū¹kxain¹yah³lx¹nhē³la². Nxain¹yah³lxin¹kxan²ti³ hai³txi³ wa³lx¹nha²yai¹nxa³he³la².

Je³su²jah³la² wxā³ju³ta² ya³nān³ta³ki²la²sa³ wah³nxe³ki³jau³su²

⁷Nxa²ha¹te¹ txa²wā³tā³nāu³xāi³. Ya³nān³ta³ki²la²sa³ wah³nxe³jah³lx¹hē¹-la². Je³su²jah³la² Txa²wā¹hxi²kan¹jah¹la² a³ka³nxi²ju³ta² ya³nān³ta³ki²la²sa³ wah³nxe³jah³lx¹hē¹la². Hai³sxa² wa³kon³jah¹lo²su² i²jah¹lx¹hē¹la². Ú³whīn¹-ta³lun²nū²la² wi¹la³ wen¹ju³ta² wah³nxe³kxi²ki³te²ju²he³la². Wē³ha²yau³xa² ã³wax3sān²ka³tū³ hā²wxān³txa³ ã³wax3ta³lun²nū²la² yain³txa²kxai³ kan¹te²-ju²he³la². Nxe³te²hû³nxe² yain³txa² kan²kxi¹ju³ta³nū³a² wah³nxe³kxa² yā¹nxe² Je³su²jah³la² a³ka³nxi²ju³ta² wah³nxe³jah³lx¹hē¹la². ⁸Te²yā¹nxe³kxe³hû³sxā³ ya³nān³ta³ki²la²sa³ wah³nxe³jah³lx¹hē¹la². I³nxū²kwai³lxū¹nha¹jah³lx¹hē¹-la². Txa²wā¹hxi²kan¹jah¹lai²na² a³ka³nxi²ju³ta² yau³son³na³la².

⁹Txa²wā³tā³nāu³xāi³. I³yxaih¹sxā³ i³kwai²kxi²nyhah¹lx¹txa³hē¹la². Nxe² e³kxi²nyhah¹lxin¹kxai²nān²tu³ Txa²wā¹hxi²kan¹ta² Si³yxau³jah¹la² a³ka³nxi²-sxā³ wa³li²tāu³a² ko³nxe³ti³ i³yī¹li¹nx2ti³tu¹wa². Ha³lo²ai²li² yau³son³na³la². Sxi²ha² a²xyo²a² ã³wih¹ki³te²lhxā³ nxe³kxa² yā¹nxe³sxā³ wa³li²ju³ta² yau³-son³na³la². ¹⁰Txa²wā²sū³na² e³jau³xa² i³hen³txi³tū³ka³txai²na² i²jah¹lx¹hē¹la². Nxe³tū³ka³txu¹tai²li² kāin² khāuh³lx³thi¹nain¹kxan²ti³ Txa²wā¹sū³na² wān³txa² ya³nān³ta³ki²la²sa³ yxo²i²ai¹nha²kxai³ nxū²kwai³lxū¹nain¹ta¹hxai²ti³ai¹ti²-tu³wa². ¹¹Nxe³sxā³ Txa²wā¹sū³na² sa²xyo²a³ai¹nxa³ha²kxai³ Txa²wā¹sū³na² hi²sen³kxai³lu² i³ka³li¹tain¹ta¹hxai²ti³ai¹ti²tu³wa². Jā¹nxe³sxā³ Jo²ah³lu¹tai²li² i²-jah¹lx¹hē¹la². Khāuh³lx³tē³nha²khaix1ta¹hxai²ti³ai¹ti²tu³wa². Nxe³hi¹nu¹tai²na² hai³txi³ Txa²wā¹sū³na² sa²xyo²a³ta¹hxai²nxa³ti³ai¹ti²tu³wa². Nxe²nxa³ha²kxai³ Txa²wā¹sū³na² hi²sen³kxai³lu² i³ka³li¹tai²hxai²ti³ai¹ti²tu³wa². Jā¹nxe³ju³ta² Jo²ah³lu¹tai²na² a²ha³lo²a² wi¹ta³lun²si¹ta¹hxai²ti³ai¹ti²tu³wa². Txa²wā¹sū³na² sa²kxai³lu² wi¹lhin¹khaix1te²la¹wa². Jā¹nxe³kxe³hû³nxe² Jo²ah³lu¹tai²na² wi¹-lhin¹sxā³ thāi³ti³la² sa²hau³ko³tū¹nhē³nūn³tu¹wa², Txa²wā¹sū³na²sa².

¹²Nxe³sxā³ txa²wā³tā³nāu³xāi³. Nxe³ha²kxai³ wān³txi³khai¹xa² e³yah³lxin¹kxai²-nān²tu³ wān³txa² e³yah³lxin¹ju³xa² i³xyo²xūn³yah³lx¹txa³hē¹la². Nxe³te²nah¹lx¹: —Ya²la³lai²la¹wi¹. Oh³xan¹jah¹la² i²sai¹nha²kxai³ ya²la³lai²la¹wi¹. Ta³nxa²: —Ya²la³lai²la¹wi¹. Yuh³xan¹jah¹la² i²sai¹nha²kxai³ ya²la³lai²la¹wi¹. Ta³nxa²:

—~Ya²la³lai²la¹wi¹. A¹thūn³jah¹la² i²sai¹nha²kxai³ ya²la³lai²la¹wi¹. Nxe³jau³xa² a³ye³yxo²nū¹nx2ti³ju³tan¹te²kxa³yau³kxai³lu² nxe² e³yah³lxi³txa²hē¹la². Wān³txai²li² ya²la³tū³kxai²nān²tu³ hāi¹sxā³ i³ye³in¹te³nah¹lxi¹:

—~Nxēn²na³li¹. Ya²la³lai²la¹wi¹. Ta³nxa², Ya²la³tū³txa³kxai²nān²tu³ e³in¹te³nah¹lxi¹:

—~Nxe²nxa³wi¹. Ya²la³lhxa³wi¹. Nxīn¹jau³su². Nxe³jau³xa² so¹lxi³ e³jah¹lxi³hē¹la², Txa²wā¹sū³na² ko³nxe³ti³ i³yī¹li¹nx2ti³kxa²yān³txi³sa².

13 Nxa²ha¹te¹ wxa²nū³ka³txa² ha³ti³xan¹tū³ka³txi³ i³nxai²na² khāuh³kxai²nān²tu³ wi¹lhau³kot3si¹jau³su² Txa²wā¹sū³na² a³ye³kxi²txai¹yah³lxi³hē¹la². Te²yā¹nxc³ssxā³ wxa²nū³ka³txa² a³xa² ha³ti³xan¹tū³ka³txi³ i³nxai²na² ka³. lih³kxai²nān²tu³ Sū³na² sa²nēn¹kxah¹lxin¹jau³xa² i³hain³jah¹lxi³hē¹la².

14 Wxa²nū³ka³txa² ha³ti³xan¹tū³ka³txi³ i³nxai²na² i³ton³kxi²kxai²nān²tu³ Sū³na² wān³txa² yxo²i²te²nū³ka³txi³ i³nxai²na² a²hxi²kan¹txi³nāu³xa² i³kaix1jah¹lxi³hē¹la². i³kaix1tū²la² a³se³to²na²yau³xa² tē³ssxā³ wxa²ne³to¹lxi³yuh¹nha²sān²nū²la² Sū³na² we²txi²si¹ha³lxin¹jau³su² i³ye³kxi¹jah³lxi³hē¹la². 15 Nxe³kxai²nān²tu³ Txa²wā¹sū³na² hxi²kan¹si¹jau³su² yxo²i²kxai²nān²tu³ i³ta³ka³txai²li² we²txi²-tu¹wa², Txa²wā¹sū³na²sa³. We²txi²ssxā³ ko³nxe³ti³ kāi³ju³ta³ yū³kxai²nān²tu³ ne³wā²na³tu¹wa². 16 Ko³nxe³ti³ kāi³ju³ta² yū³yah³lxin¹kxai²nān²tu³ i³yau¹ū³-nyha¹jah³lxi³hē¹la². Te²yā¹nxe² kāi³yah³lxi³to³hin¹kxa²yān³txi³su², Txa²wā¹sū³na² i³ye³kxi²waun¹nyha¹jah³lxi³hē¹la². Nxe³yah³lxin¹kxai²nān²tu³ i³nxū²kwa¹-lx¹nxa²lx¹tu¹wa². Nxe³ssxā³ a²nū²ai²li² Txa²wā¹sū³na² wān³txa² wi¹lhit1sxā³ sa²yxo²we¹jah¹lai²na² sa²kxai³lu² Sū³na² i³ye³kxi²kxai²nān²tu³ wā³nxīn¹-khaix1jau³su² e³hī³nx2na³la². 17 Te²yā¹nxe³ssxā³ E³li²ah³lu¹tai²na² i²jah¹lxi³hē¹la². Txai²yā¹jah¹lo²su² ta¹hxai²ti³ai¹ti²tu³wa². A²nxe³jah¹lai²na² sa²kxai³lu² Sū³na² i³ye³kxi²ta¹hxai²ti³ai¹ti²tu³wa². A²e¹nāu³ai²na² au³txi³ e³jau³su² e³te³nah¹lxi¹:

—~Sū³na² nxe³txi¹. Wē³ha²yau³xa² hāi¹nxā¹txa²hē³li¹. Nxe³jau³su² e³ka³tu³ ye³ha¹li¹ ye³ha¹li¹ wxaq3ti³tāu³u¹tai²na² hai³txi³ wē³hā¹ti³-hex1ta¹hxai²nxa³ti³ai¹ti²tu³wa². 18 Hā²wxān³txa³ Txa²wā¹sū³na² āh¹ e³kxi²ta¹hxai²ti³ai¹ti²tu³wa². E³te³nah¹lxi¹:

—~Wē³ha²yau³xa² a³na¹ a³si³wxe³xi²ti³hi¹txa²hē³li¹. Nxe³jau³su² nū²la² āh¹ wē³hā¹to³ta¹hxai²ti³ai¹ti²tu³wa². Wē³hā¹xi²nū²la² hai³sxu¹tai²na² a³-wax3tū²ha²kxai³ yain³txa² kāin² yū³ta¹hxai²ti³ai¹ti²tu³wa².

19 Txa²wā¹sū³ta³nāu³xa³i³. Ain³kxi²khaix1nx³sah¹lxi³hē¹la². Wxa²nū³ka³-txa² ha³ti³xan¹tū³ka²txi³ i³nxai²na² ya²la³yau³xa³ a³nū²la² ki³han³jau³xa² sa²yxo²we¹kxai²nān²tu³ a²nxe³jah¹lai²li² ki³han³ju³ta² i³wa²li²si¹hain¹-yah³lxin¹jau³su² e³kxi²txai¹yah³lxi³hē¹la². 20 Nxe³ssxā³ i³wa²li²kxai²nān²tu³ jah¹la² a²e¹nāu³ai²na² ha³nxe² i³sa²tē³ko³xa² sa²wi¹kxe³nū³a² i³yī¹li²-jau³su² a³wa²su¹tū¹hain¹yah³lxi³hī³nxa¹lxa². Te²yā¹nxe³ssxā³ ko³nxe³ti³ kāi³ain¹ju³ta² ka³lxa¹txi³ a³wa²su¹tū³nhī³nx2na³la². Jā¹nxa¹jau³su² txai²li² Ti³a²kah³lo²na¹xai²li² nxe³ye¹nx2ta¹wa². Ta³lu²na¹wa².